

## VIŠI PRIVREDNI SUD U BANJA LUCI

Broj: 066-0-Su-10-000 957

Banja Luka, 02.11.2010. godine

Na osnovu člana 30. stav 1. Zakona o sudovima Republike Srpske (Službeni glasnik Republike Srpske broj 111/04, 109/05, 37/06, 17/08, 119/08, 58/09 i 116/09), člana 47. Zakona o javnim nabavkama BiH („Službeni glasnik BiH 49/04, 19/05, 52/05, 92/05, 94/05, 8/06, 24/06, 70/06, 12/09, 60/10), člana 8. stav 1. tačka j). Pravilnika o unutrašnjem sudskom poslovanju («Službeni glasnik BiH, broj 57/08, ) i člana 15. tačka z) Pravilnika o unutrašnjoj organizaciji i sistematizaciji radnih mjesta u Višem privrednom sudu u Banjaluci broj SU-2/2010 od 27.04.2010. godine (saglasnost Ministra pravde Republike Srpske broj 08.020./020-375/10 od 28.04.2010.), predsjednik Višeg privrednog suda u Banja Luci, donosi

### **PRAVILNIK O POSTUPKU DIREKTOG SPORAZUMA**

#### **Član 1.**

Ovim Pravilnikom uređuje se postupak nabavke roba, vršenje usluga i radova putem direktnog sporazuma sa ponuđačem.

#### **Član 2.**

Putem direktnog sporazuma mogu se nabavljati robe, vršiti usluge i radovi čija je pojedinačna vrijednost jednaka ili manja od 6.000,00 KM.

#### **Član 3.**

Procjenjivanje vrijednosti nabavki koji su dodijeljeni postupkom direktnog sporazuma vrši se u skladu sa članom 6. st. (5), (7) i (8) Zakona i članom 8. Uputstva o primjeni Zakona o javnim nabavkama Bosne i Hercegovine («Službeni glasnik BiH» broj 3/05).

Procijenjena vrijednost nabavke može se bazirati ili na cijenama prethodnih sličnih nabavki, ili iz dobavljačevog kataloga, ili iz istraživanja tržišta koje je prethodno urađeno ili je urađeno u vrijeme konkretne nabavke putem direktnog sporazuma. Procijenjena vrijednost nabavke mora biti važeća u trenutku kada ugovorni organ zatraži prijedlog cijene ili ponudu od jednog dobavljača.

#### **Član 4.**

Nakon prijema ponude jednog dobavljača, a prije donošenja odluke o direktnom sporazumu, ugovorni organ razmatra, uzimajući u obzir princip najefikasnijeg korištenja javnih sredstava, da li:

- prihvata prijedlog cijene ili pregovara o istoj, ili
- u slučaju neprihvatljivosti cijene ili nepovoljnog ishoda pregovora, ugovorni organ će se obratiti drugom dobavljaču da dostavi prijedlog cijene ili ponudu, ili
- će odabrati drugu vrstu postupka, definisanu Zakonom.

#### **Član 5.**

Ugovorni organ će pažljivo razmotriti svoje zahtjeve koji se odnose na robe, usluge ili radove.

Zahtjev za prijedlog cijene ili ponuda obuhvata detaljan opis roba, usluga ili radova koji se traže, uključujući i relevantne faktore poput količine, kvaliteta, tehničkog opisa, estetskih i funkcionalnih zahtjeva, okolišnih osobina, mjesta i roka za isporuku i/ili slično, a primjereno predmetu nabavke.

#### **Član 6.**

Uzimajući u obzir čl. 2. i 3. ovog Pravilnika, ugovorni organ odabire dobavljača kojeg će pozvati i tako provesti aktivnosti nabavke.

Prije odluke o pozivanju određenog dobavljača, ugovorni organ provjerava situaciju na odgovarajućem tržištu roba, usluga ili radova, posebno, tržišnu cijenu roba, usluga ili radova koji su predmet nabavke.

#### **Član 7.**

Ugovorni organ informiše odabranog dobavljača o svim zahtjevima koji se odnose na robe, usluge ili radove koji se namjeravaju nabaviti.

Kada traži prijedlog cijene ili ponudu, ugovorni organ daje dobavljaču dovoljno vremena da pripremi prijedlog cijene ili ponudu, uzimajući u obzir kompleksnost nabavke.

Ugovorni organ pažljivo ocjenjuje ponuđene robe, radove ili usluge u odnosu na zahtjeve koje je sam utvrdio.

Kada vodi pregovore koji se odnose na prijedlog cijene ili ponudu, ugovorni organ postupa u skladu sa pažnjom dobrog privrednika.

#### **Član 8.**

Ugovorni organ osigurava da dogovorena ili prihvaćena cijena ne bude viša od odgovarajuće tržišne cijene.

Ugovorni organ može vršiti nabavke direktnim sporazumom na način da zaključi poseban ugovor u pismenoj formi.

Direktni sporazum smatra se zaključenim i kada ugovorni organ prihvati račun ili drugi osnov za plaćanje u slučaju:

- nabavki čija vrijednost iznosi 500,00 KM ili manje, direktni sporazum smatra se zaključenim uz prilaganje odgovarajuće dokumentacije;
- nabavki čija vrijednost je viša od 500,00 KM, nabavka direktnim sporazumom se dokazuje narudžbenicom ugovornog organa ili ugovorom u pismenoj formi.

#### **Član 9.**

U postupku direktnog sporazuma, dobavljač ima pravo prigovora, a žalba nije dopuštena.

#### **Član 10.**

Ovaj Pravilnik stupa na snagu 8 (osmog) dana od dana objavljivanja na oglasnoj tabli suda.

PREDSJEDNIK SUDA

Bogdan Gajić, s.r.